

Presupuesto 2022 no ta conta cu vacatura nobo

Solamente 'roll-overs' di aña 2021 y vacatura den cuadro di Landspakket lo wordo yena



Problema den Madiki a termina cu 1 detencion



Titulo ta bisa tur cos “Nos semper t’ey!” Hospital ta lansa cancion propio cu talento propio



Suzy Thode deteni bao sospecho di menasa yen politico via facebook falso di “Wim van Huizen”



Ernesto Remijnse
DENTAL SOLUTIONS

For URGENT
Dental Emergencies
please call

+297 585-3255
+297 592-9398

24/7 SERVICE

Minister Xiomara Maduro di Finansa ta informa:

Presupuesto 2022 no ta conta cu vacatura nobo

Solamente 'roll-overs' di aña 2021 y vacatura den cuadro di Landspakket lo wordo yena

- E siman aki Minister Maduro di Finansa a brinda detaye di e concepto di Presupuesto di Pais Aruba pa aña 2022. Pa locual ta trata gastonan di personal y vacatura, e mandatario ta informa cu Presupuesto 2022 no ta conta cu vacatura nobo. Solamente 'roll-overs,' vacaturanan presupuesta cu no a wordo yena den aña 2021, y funcionnan den cuadro di Landspakket lo wordo yena.

Tin necesidad pa yena 574 vacatura

Minister Maduro ta informa cu den e proceso pa hinca Presupuesto 2022 den otro, tur Ministerio por a trece dilanti cual ta e vacaturanan cu ta necesario pa wordo yena den nan departamentonan. Pa aña 2022, e Ministerionan a indica cu tin necesidad pa yena 574 vacatura. Mayoria vacatura ta den Ministerio di Husticia, sigui pa Ministerio di Finansa y Ministerio di Asunto Social. Tur e peticionnan aki a wordo evalua pa Departamento di Recurso Humano DRH pa verifica si ta trata di un vacatura di roll-over, si ta un funcion vital of crucial y con e funcion ta afecta e ocupacion na e departamento concerni. Teniendo na cuenta e consejo di CAFT riba vacatura nobo den Presupuesto 2021 y mirando cu den cuadro di e Landspakket

bou thema B lo bin un evaluacion integral di e aparato publico, DRH a conseha y Consejo di Minister a bay di acuerdo pa no presupuesta vacatura nobo den aña 2022.

Mester tene cuenta tambe cu otro factornan cu lo hisa gasto di personal den 2022

Minister Maduro ta informa cu asina mes cu no ta Presupuesta vacatura nobo pa aña 2022, toch tin factornan cu lo hisa e suma di gasto di personal den aña 2022. Mester tene cuenta cu e 'roll-overs' di 2021, e cambionan den salario di Aduana, KIA y Inmigracion cu a wordo temporisa den aña 2021, e pago di pandemietoelage y e pago di 50% di recorte di 12,6%. Banda di esaki mester tene cuenta cu e reorganisacionnan cu ta andando na Departamento di Salubridad, Departamento di Enseñansa y Departamento Social y tambe cu e gastonan relaciona cu 'periodieke verhoging' y 'bevordering' den aña 2022. Tur e factornan aki lo subi gasto di personal y Gobierno mester keda bou di e plafond acorda den e BVP, cu te ainda ta e plan di maneho pa baha gasto di personal.

Pa aña 2022 tin 183 vacatura



BISTA RIBA Finansa Publico VACATURA DESEA Y 'ROLL-OVERS' PRESUPUESTA PA 2022

MINISTERIE	GEWENSTE VACATURES	ROLL-OVERS
MINAIOIE	51	15
MINFEC	87	43
MINJVI	207	86
MINROIM	17	10
MINTCP	36	11
MINTVS	60	18
MINOWD	37	0
MINSOZA	79	0
TOTAAL	574	183

PRESUPUESTO
2022



'roll-overs'

Na juni 2021 na momento cu DRH a traha su conseho pa Consejo di Minister, tabata tin 183 vacatura 'roll-overs' pa Presupuesto 2022. 'Roll-overs' ta vacaturanan presupuesta cu no por a wordo yena den e añanan anterior. Hopi biaha ta trata di funcion pa cual no a

logra haya un persona cu e competencia of specialisacion necesario. E vacaturanan 'roll-overs' den aña 2022 ta consisti di, 15 vacatura den

Ministerio di Asunto General, 10 vacatura den Ministerio di Infraestructura, 43 vacatura den Ministerio

di Finansa, 86 vacatura den Ministerio di Husticia, 18 vacatura den Ministerio di Turismo y 11 vacatura den Ministerio di Transporte. Den e Ministerionan di Asunto Social y di Enseñansa no tin vacatura 'roll-over.' Mester tene na cuenta cu di juni 2021 cu DRH a traha su conseho te cu awor, algun vacatura lo por a wordo yena caba.

Ministerio Publico a rementa facebook falso na Bonaire y Curacao

Suzy Thode deteni bao sospecho di menasa yen politico via facebook falso di “Wim van Huizen”

Usa facebook account falso pa asina menasa hende, insulta y ofende politico, no ta bay impune! Husticia na Curacao y Bonaire a realisa diamars atardi, varios inval, unda a detene varios persona, kendenan ta sospecha di tin facebook falso y ta menasa y insulta mandatarionan y tambe gezaghebber.

Entre e detenidonan, tin un dama

Suzy Thode di Bonaire cu tambe a keda deteni.

Cu esaki husticia ta manda un signal fuerte pa tur esnan cu ta kere cu manera cobarde por abusa di otro hende; Pagatino! Pasobra husticia ta yega na bo cas ora menos bo ta pensa.



Problema den Madiki a termina cu 1 detencion



Diaranson mainta un gran cantidad di polis a bay cu urgencia un adres den Madiki.

Lo tawata trata di un problema unda cu aparentemente lo tin arma di candela involvi.

Un cabayero biba na e cas a wordo aresta, esaki despues cu polisnan a papia cu ne y tuma su datonan.

Na e cas tawata tin

un auto Ford, den dje tawata tin un dama, un cabayero y un of mas menor di edad.

Por a scucha discusion entre e habitantenan di e cas cu e dama.

Segun e señora na e cas, dos hende homber probablemente ariba un brommer/scooter lo a drenta den nan veranda buscando of menasando un of mas persona.

Despues nan lo a bandona e cas.

Polisnan a papia cu ambos partido pa yega na un solucion pa un problema "complica". Polis a tuma tambe dato di tur esnan involvi.

E cabayero aresta a wordo hiba warda di recherche na Wayaca. Lo por spera mas problema.

Tur comerciante chikito cu tin KOR mester entrega e declaracion anual di aña 2021

E fecha final ta 17 di januari 2022

Departamento di Impuesto ta recorda tur comerciante cu ta beneficia di e areglo pa comerciante chikito (kleineondernemersregeling of KOR), cu nan tin e deber di entrega e declaracion anual di BBO/BAVP y BAZV 2021. E entregamento di e declaracion ta sosode den forma digital via e portal 'BO impuesto'. E fecha final pa haci e declaracion ta 17 di januari 2022. Si entrega e declaracion laat of keda sin entrega e declaracion, e comerciante lo perde su status di KOR automaticamente.

E beneficiarian di KOR

- E comerciante no tin mester di paga BBO/BAVP/BAZV tur luna.

- E comerciante no tin mester di entrega e declaracion di BBO/BAVP/BAZV tur luna.

- E comerciante por reserva e extra cen pa otro necesidadnan di e empresa.

- E comerciante tin menos trabou administrativo.

E beneficiarian di KOR ta:

Mester haci declaracion Apesar cu no tin mester di entrega e declaracion tur luna, ley ta stipula cu e comerciante chikito cu tin KOR mester entrega e declaracion anual (jaaraangifte) di BBO/BAVP/BAZV di aña 2021. Di e forma aki inspector por evalua si e comerciante por sigui mantene su status di KOR. Pues, lo evalua si e volumen di benta (omzet) di aña 2021 a surpasa Afl. 84.000 of no.

Con ta haci declaracion? E comerciante chikito ta declara e volumen di benta 2021 via e declaracion digital di BBO/BAVP y BAZV. Esaki ta sosode via e portal 'BO impuesto' (of BOi). Si e comerciante no a registra ainda como usuario, e mester haci esaki mas lihe posibel. Pa esaki mester haci un cita via e website www.impuesto.aw



Con mester yena e declaracion? Aki ta sigui un ehempel con e comerciante chikito ta yena su declaracion den un situacion normal. Volumen di benta (bedrijfsomzet) 2021 Afl. 63.000

E sistema automatiza mes lo calcula e suma di impuesto. Den caso di KOR, e sistema lo mustra cu e suma di belasting ta cero (nihil). Ta yena e declaracion asina:

Vrijgestelde omzet: 0.00

Belaste omzet BBO en BAVP: 63.000

Belaste omzet BAZV: 63.000

Tuma nota cu no por yena e suma di benta na 'vrijgestelde omzet'. E parti aki no ta destina pa esnan cu tin e status di KOR. E seccion aki ta pa e comerciantenan cu pa ley tin un actividad cu ta cay bou dispensacion di impuesto.

Fecha final pa haci declaracion Manera menciona, tur comerciante di KOR mester haci declaracion anual di 2021. E fecha final ta 17 di januari 2022. Si haci declaracion despues di dia 17 di januari of keda sin haci declaracion, esaki lo nifica cu automaticamente e comerciante chikito lo perde e status di KOR. Consecuencia di esaki ta cu e comerciante chikito lo tin cu cuminsa haci declaracion y paga BBO/BAVP/BAZV tur luna manera tur otro comerciante.

Departamento di Impuesto ta haci un apelacion fuerte na tur comerciante chikito cu actualmente ta gosa di e beneficiarian di KOR, pa cumpli cu e declaracion di BBO/BAVP y BAZV di 2021 na tempo.

Gerencia di Departamento di Impuesto 11 di januari 2022

Edad pa booster shot a bira 30+

Departamento di Salud Publico (DVG) ta informa cu edad pa ricibi e "boostershot" ta wordo reduci na 30 aña of mas. Pa por ricibi e "boostershot" e persona di 30 aña of mas mester a ricibi su di dos vacuna mas cu 3 luna pasa of a pasa door di COVID 3 luna pasa of mas.

Por busca tur vacuna incluyendo "booster" na Centro Libertador Betico Croes na Santa Cruz of tambe na IMSAN San Nicolas caminda e unidad mobil di Bureau Rampen lo ta staciona. Orario di vacunacion ta di 8'or di mainta pa 3'or di atardi 'non stop' di dialuna pa diabierna.

WALK-IN
NA IMSAN Y CENTRO
LIBERTADOR B.C.
8:00 am pa 3:00 pm
'NON STOP'
Vacuna!

BOOSTER SHOT
AWO PA TUR **30+**

VACUNA
pa nos salud

MINISTER DI DEPORTE A ENTREGA MEDAYA NA ATLETANAN DI ATLETISMO



: Fin di luna di December, Minister Endy Croes a ricibi bishita di un grupo di atleta di U13 y U15. Den luna di december seleccion di Aruba di atletismo a participa den NACAC Age Group Championship cu a tuma lugá na Managua, Nicaragua unda a logra 25 medaya pa Aruba.

E atletanan cu a logra medaya den U13; Naiva Kock y Terrence Souza. Den e categoria di U15; Montserrat Willems, Dayna Leer, Kyon Maduro y Wyndel Beyde.

Durante un encuentro ameno e mandatarío di



deporte a presenta un medaya na e atletanan y a gradici nan pa nan dedicacion, pasion y aporte den deporte di atletismo y pa pone Aruba su nomber resona internacionalmente. Masha pabien Aruba ta orguyoso di boso!

Minster Dangui Oduber

MINISTER ODUBER NA UN FORMA HABRI Y TRANSPARENTE A CONTESTA TUR PREGUNTANAN HACI REFERENTE FRADUE NA DVG

Recientemente Minister di Salud Publico Dangui Oduber den un carta a contesta miembronan di Parlamento di Aruba sra. Wyatt-Ras y sra. Lopez-Tromp riba nan preguntanan haci tocante entre otro e Aruba Health App, e investigacion cu tin adando y precedente di pagonan pa cu e PCR test.

Minister Dangui Oduber a mustra e miembronan di Parlamento riba e hecho cu ta Directie Volksgezondheid Aruba (DVG Land Aruba) ta doño di e Aruba Health App y tin full control di esaki. E Aruba Health App a keda desaroya hunto cu Setar NV. A splica riba e hecho tambe cu no tabata tin tempo pa haci un destaho publico como cu Aruba ta pasando den un crisis y un destaho publico lo a tuma mucho tempo y ta pesey a opta pa uza nos compania

estatal di Setar NV pa yuda desaroya e App.

Pa locual ta e investigacion cu ta andando tambe e miembronan di Parlamento a haya nan contesta. Minister Oduber a splican cu e 2 personanan cu ta ser investiga no ta ambtenaar y tampoco no ta of tabata coordinador di Minister Oduber, e personanan aki ta contractant cu land Aruba a contracta temporalmente pa traha den e crisis mesos cu hopi otronan.

Tambe e mandatarío a contesta cu e la wordo poni na altura di e irregularidadnan den e prome siman di oktober 2021. Na e momento ey e la instrui DVG pa haci un investigacion interno cual a sosode. Ora esey a keda cla y a haya sa ken ta e sospechosonan, a kita nan

acceso, a pone nan riba non-actief y a termina nan contract. E mandatarío a meld na Ministerie Volksgezondheid, Welzijn en Sport (VWS) kiko ta pasando y a instrui DVG pa entrega un keho na Ministerio Publico pa asina tin un investigacion penal.

Pa tur e preguntanan haci tocante e PCR test y ken ta ricibi e pago di esaki, Minister Oduber a contesta e dos Parlamentarionan lo siguiente. Tur pago di PCR test ta keda administra pa LabHOH, es decir personal di DVG no ta wak e transaccionnan aki. Minister Dangui Oduber a contesta un total di 46 pregunta di cual 13 pregunta di sra. Lopez-Tromp y 33 pregunta di sra. Wyatt-Ras. Minister Oduber semper a hiba un maneho transparente y ta spera cu miembronan di



Parlamento Lopez-Tromp y Wyatt-Ras por tin un poco mas tranquilidad awor

cu tur nan preguntanan a keda contesta.

Chauffeur y pasahero herida despues di a kibra un palo di lus den 3 pida na Westpunt

Diaranzon madrugá a drenta informe di un accidente cu hende herida na Westpunt, mesora a dirigi tanto polis como ambulans na e sitio. Na yegada di e patruxa a bin compronde cu e chauffeur di e Hyundai i10 numerá V 4239 a baha caminda y a bay dal un palo di lus kibre den 3 pida. E impacto tabata fuerte y tanto e chauffeur como e pasahero a resulta herida. Na yegada di e ambulans nan a atende ambos víctima y a transporta nan pa hospital.



Corte di Prome Instancia 13 januari 2022



Horario	Sospechoso	Acto Castigabel
08.30	J.D.S.	S. ta wordo acusa di ladronia den un supermarket riba 30 september 2021.
09.00	L.F.V.G.	V.G. ta wordo acusa di a maltrata su mes yiu cu un arma (un verlengsnoer) riba 3 di maart 2021.
09.30	G.B.F.	F. ta wordo acusa di a menaza un persona cu morto riba 31 di juli 2021, dor di bay riba dje cu un boter kibra y bise: "Awor bo ta bay h**e na mi man".
10.00	A.L.J.v.P.	V.P. ta wordo acusa di a menaza un hende cu morto riba 26 di mei 2019, dor di varios biaha saca un arma di candela for di un tas y bise cu e tira mata tur hende riba e veld di basket. E ta wordo acusa di posesion di un arma di candela riba e fecha menciona.
13.30	F.J.G.P. J.S.D.R.G.	G.P. y D.R.G. ta wordo acusa di ladronia riba 13 di november 2019.
14.00	A.G.A.	A. ta wordo acusa di a comete abuso sexual contra un persona bao 16 aña den e periodo di 13 di maart 2018 te prome di november 2018.
15.00	L.A.T.M.	M. ta wordo acusa di a menaza un persona cu morto riba 29 di december 2020.
15.30	Y.E.M.F.	M.F. ta wordo acusa di a menaza un persona cu morto y posesion di un arma di candela riba 7 di maart 2021.

Reunion entre Minister di Economia, Comunicacion y Desaroyo Sostenibel y Stichting Rancho

Dialuna ultimo Minister di Economia, Comunicacion y Desaroyo Sostenibel, Geoffrey Wever, a reuni cu representantenan di Stichting Rancho cu tabata Sr. Clifford Rosa (Presidente) y Sr. Di-Stefano Wernet (Tesorero).

E vision di Stichting Rancho ta pa balora y proteha e herencia cultural di Rancho cu perspectiva social cultural economico positivo y sostenibel. Esaki entre otro door di cultiva un ambiente faborabel cu su potencial no limita pa medio di

arte, comercio, ofishi, educacion.

Durante e reunion ambos representante di Stichting Rancho a entrega Minister Wever nan "Strategic Capacity Building Plan 2022-2026", un plan cu Stichting Rancho mes a laga prepara. Tambe a intercambia di idea over e celebracion di 200 aña di Oranjestad cu lo wordo cumpli na 2024, cu lo ta un celebracion historico, y a explora con Stichting Rancho y Gobierno di Aruba por uni den e preparacion di e celebracion aki.



"Mi ta agradecido di por a comparti un reunion fructifero cu e representantenan di Stichting Rancho y contento pa wak con nan ta traha cu pasion pa un bario cu tin un

balor cultural y historico sumamente importante".

Tambe un preocupacion cu a bin padilanti ta importante pa sigui monitorea e desaroyo di prijsnan na Aruba. Pa e

motibo aki a concorda cu tur e partnernan cu tabata presente na e presentacion, cu lo sigui traha den un manera estrecho pa haya un bista detaya di e desaroyo di prijsnan na Aruba.

Polis a hala atencion di habitante cu tabata tin candela cendi na Caya Papa San Juan Pablo II



Diadomingo madruga a drenta informe di cu tin un candela cendi den Dakota y cu ta molestia e bisiña cu huma di candela na Caya Papa San Juan Pablo II, mesora a dirigi un patruya na e sitio. Na yegada di e patruya a bin constata for di cual cas e huma ta sali y a hala atencion di e bisiña kende a mostra comprension y a paga e candela.



575 caso nobo y 3.008 caso activo

ULTIMO INFORMACION			
Casonan di Corona Virus, Vacunacion y Hospitalisacion na Aruba			
12 di Januari 2022			
12/1/2022	TOTAL	RESIDENTE	NO-RESIDENTE
Casonan Nobo	575	513	62
Activo	3008	2562	446
Recupera	25986	22669	3317
Positivo	29176	25409	3767
Morto	182	178	4
Vacuna	85138	-	-
Hospitalisa AUA	26	-	-
ICU	6	-	-

Segun resumen di 12 januari 2022; 909 persona a recupera y un total di 575 caso nobo di COVID-19 a keda registra di cual 62 ta no-residente. E cifranan aki ta representa un 'Positivity rate' bou di nos residentenan di 61%. E cantidad di casonan activo di COVID-19 pa awe ta 3008 y cantidad di fayecidonan relaciona cu COVID-19 ta 182. Datos ta ilustra casonan nobo di COVID cu un averahe semanal di 709 caso pa dia y un averahe di 'positivity rate' semanal di 63% pa dia.

Actualmente na Aruba tin 26 persona interna debi na COVID di cual den ICU tin 3 persona y riba piso general tin 23. Na Colombia tin actualmente 3 persona den ICU y ninguno (0) riba piso general.

Premier Evelyn Wever - Croes: E SIMAN AKI DOW TA FINALISA TRABOUNAN DI MANTENCION NA 3 DIFERENTE BEACH



Mas o menos 2 luna pasa (9 di november) DOW a inicia cu "Proyecto Beach Zand" cu ta encera trabou di mantencion di beachnan door di yena beachnan cu santo. Ta trata di tres beach popular esta Arashi, Boca Catalina y Eagle Beach.

DOW a inicia cu e

proyecto dia 9 di november na Arashi, despues a continua cu Boca Catalina y por ultimo a hiba santo na Eagle Beach. Ta trata di mas o menos 635 yarda di santo blanco cu a transporta pa Arashi, 160 yarda di santo na Boca Catalina y 2400 yarda di santo na Eagle Beach.

E motibo dicon a inicia cu e proyecto ta, como a tuma nota cu tin hopi piedra unda cu antes tabatin santo blanco, consecuentemente, tin menos espacio riba e beach. E trabou aki no ta algo cu ta haci tur luna, pero e ta un trabou di

mantencion cu DOW ta tene cuenta cu ne pa por tuma lugha na sitionan unda cu continuamente awa ta 'come' den locual ta e beach. Awor cu a yena e beachnan aki bek (cu santo blanco cu ta transporta di otro area), e beach ta mas accesibel

pa tur bishitante disfruta di dje.

Por ultimo di parti Ministerio encarga cu Infraestructura, kier recorda un y tur pa cuida nos beachnan cu ta parti di Aruba su herencia natural.

Señor Rino Hermans y dr Joel Rajnherc: VACUNACION A TRAVES DI E UNIDAD MOBIEL LO TA DI GRAN BENEFICIO PA COMUNIDAD DI ARUBA

Diamars mainta a tuma luga un conferencia di prensa di Gobierno di Aruba na IMSAN na San Nicolas pa anuncia e disponibilidad di por vacuna a traves di e unidad mobiel, Operation Mobile Unit (Trailer). Presente e mainta aki tabata Prome Minister Evelyn Wever-Croes, señor Rino Hermans di Bureau RampenBestrijding, y dr. Joel Rajnherc di IMSAN na San Nicolas.

Despues di e discurso di Prome Minister efatisando riba e importancia di e vacuna y booster, a pasa palabra pa sr. Rino Hermans di Bureau RampenBestrijding, cu pa hopi tempo caba tabata tin e soño di bin cu un unidad mobiel pa asina por yega na duna e vacuna na esnan cu pa un of otro motibo no por yega un centro di vacunacion.

Segun señor Hermans, Crisisteam a tuma nota na momento cu nan tabata ocupa cu e programa di vacunacion, cu un cantidad grandi di persona pa motibo di movilidad, no por a yega e diferente centronan di vacunacion. Pa facilita e proceso aki, Crisisteam a acerca Gobierno cu e peticion pa por "refurbish" e bus di salud pa asina por hiba e vacuna na porta di cas di esnan cu pa un of otro motibo no por yega pa tuma e vacuna.

Gobierno di Aruba a aproba e peticion aki y pa Januari 11, 2021 e unidad mobiel ta staciona na IMSAN, San Nicolas. E unidad mobiel aki lo keda staciona na IMSAN San Nicolas te ora logra e grado di vacunacion cu por logra yega pa despues sigui mobilisa den tur bario ofreciendo e posibilidad na henter comunidad di Aruba pa vacuna cu e prome vacuna, di dos vacuna of e booster.

Tambe a hiba palabra e mainta aki dr. Joel Rajnherc di IMSAN San Nicolas cu a duna un splicacion amplio riba e rol di IMSAN pa logra vacuna lo mas



hopi hende posibel na Aruba. Segun dr. Rajnherc, nan no ta esnan encarga cu e organisacion e mainta aki, pero mirando e demanda halto cu tin pa vacuna, specialmente entre personanan di edad halto, a habri e portanan paden di IMSAN pa saca e hendenan grandi di solo, pone nan mas confortabel, duna nan e vacuna y zorg pa nan keda den bon condicion.

Segun dr. Rajnherc e demanda halto aki ta un muestra cu hopi

hende pariba di brug tabata warda riba e posibilidad di haya e vacuna mas cerca di cas. El a menciona cu e vacuna sigur no ta un solucion pa personanan no wordo infecta cu e virus pero si ta zorg pa nan no bira hopi malo cu e consecuencia cu hospital y ICU ta yena cu hopi hende, evitando asina cu dokternan por duna asistencia manera mester ta. E ta importante cu e dokternan por sigui duna asistencia na tur hende cu mester cuidu regularmente, na

accidentnan cu ta termina den ICU y tur otro malesa.

Dr. Rajnherc a termina gradiciendo Gobierno di Aruba, Bureau RampenBestrijding Aruba, DVG y su empleada doctor Monica Nuboer pa un bon organisacion. "Mi ta hopi orguyoso di e bon colaboracion cu tin entre e grupo di Bureau RampenBestrijding Aruba, DVG y e empleadonan di IMSAN", dr. Rajnherc a termina bisando.

Parlamentario Darlaine Guedez-Erasmus (MEP):

Nos tin retonan social, pero hunto nos por surpasa esakinan!

Aruba tin diferente retonan den aña 2022. Retonan riba e parti di salud, parti financiero. Un otro reto tambe sigur ta e problemanan familiar den nos comunidad. Den noticia nos por a tuma nota di violencia den pareha, problema cu yiunan y te hasta casonan di asesinato. Sucesonan manera esaki ta causa hopi tristesa y preocupacion cerca nos tur.

Parlamentario Guedez-Erasmus ta di opinion cu nos mester enfoca mas riba e raiz di e sucesonan aki, cual ta famia. E focus di parlamentario Guedez-Erasmus pa aña 2022 lo mester ta principalmente riba fortalece e famianan pa nan por desaroya optimalmente. Esaki lo ta posibel door di brinda e famianan e hermentnan necesario y yudanan desaroya habilidadnan pa nan por maneha nan famia den tempo bon y tempo malo. Como presidente di comision fiho di famia y cuida di nos grandinan,

lo percursa pa diferente encuentro cu diferente instancianan como meta pa nos traha hunto pa logra famianan fuerte. Pronto lo tin e prome reunion cu seccion bida y famia di Directie Sociale Zaken. E departamento aki lo duna informacion reciente di famianan cu nos tin na Aruba. Di e manera aki nos mester por mantene of bini cu leynan di iniciativa cu ta pro famia, cu por garantisa e desaroyo positivo di tur famia na Aruba.

“Mi kier motiva bo persona pa mira e aña aki como un posibilidad nobo. Cu hopi entusiasmo y cla pa traha riba cualkier reto cu por presenta. Famianan funcional sigur ta un bon inversion pa nos pais. Muchanan ta wordo lanta fuerte y a lo largo ta bira bon cuidadanonan pa nos pais. Pesey, abo y bo famia ta importante pa Aruba”, parlamentario Darlaine Guedez-Erasmus ta termina bisando.



**Local comercial
ta huur na Sta cruz**

Pa info 7390101

Carquest Auto Parts Aruba

Korean Parts, Japanese Parts,
German Parts & American Parts.
Gates Hydraulic Hoses & Truck
Parts.

(297) 585-0660

Info@carquestaruba.com

www.carquest.com

Piedra Plat#93



Great People, Great Products,
Great Prices!

Partido MEP:

PARTIDO MEP TA PRESENTA SU DIRECTIVA NOBO PA 2022-2024

Un eleccion cu ta demostra e forma democratico cu MEP ta funciona

Diamars 11 di januari, Consejo di Partido MEP a scoge su Directiva pa 2022-2024. Esaki a tuma luga durante un reunion na CEDE di MEP. E eleccion pa directive nobo di partido ta conforme e statutan di partido y ta tuma luga cada 2 aña. Cu eleccion aki di directive nobo, un biaha mas a keda demostra e forma democratico cu MEP ta funciona.

Manera tur directive anterior, e directive nobo aki lo guia partido MEP den e siguiente dos añanan pa fortifica e base di partido y yuda Partido crece pa e bira mas grandi na Aruba. Directive pa 2022-2024 lo traha riba e plan pa campaña 2025, di cual e fundeshi mester wordo poni e aña aki.

E Directiva di Partido MEP pa 2022-2024 ta lo siguiente:

Lider: Evelyn Wever-Croes
Presidente: Ricky Hoek
Secretario General: Endy Croes
Secretario: Grace Koolman
Tesorero: Gina Werleman

Comisariadonan:

Secretario General Internacional: Joe Koolman
Relacion Publico: Manolo Giel
Accion femenino: Darlaine Guedez-Erasmus
Actividad: Joally Croes y Gilner Dirksen
Ciencia y desaroyo: Myron Koolman
Organisacion y estructura di partido: Rocco Tjon
Hubentud: Rodymar Geerman
Presidente di Fundacion Formacion Politico Nelson O Oduber: Michella Steenvoorde-Lacle

Lider di MEP, señora Evelyn Wever-Croes, den nomber di Partido, ta desea e Directiva di MEP nobo, bou presidencia di señor



Ricky Hoek, hopi sabiduria, perseverancia y exito den nan trabounan grandi pa partido. Alaves a gradici e directive saliente bou

presidencia di señor Hendrik Tevreden, pa e 2 aña di labor pa dirigi Partido cu exito.



Minister Maduro di Finansa ta informa: A presupuesta 18 miyon florin pa por paga mitar di e recorte di 12,6% den aña 2022 Ta warda decision di Consejo di Minister di Reino

Durante conferencia di prensa Minister Maduro a brinda informacion riba e concepto di Presupuesto pa aña 2022. E mandatario a splica cu a presupuesta 18 miyon florin pa asina por paga mitar di e recorte di 12,6% den salario y beneficio di e empleado publico. E suma aki ta refleha den un subida di gasto di 8 miyon na Gasto di Personal y un subida di 10 miyon na gasto di Subsidio.

E recorte di 12,6% ta un condicion pa haya sosten di likidez di Hulanda, pesey pa por paga e mitar di e recorte di 12,6%, Gobierno a manda pidi Consejo di Minister di Reino pa por haci e gasto extra aki den Presupuesto 2022. Aruba ainda no a haya un contesta. CAFT den su consejo na Gobierno riba Presupuesto 2022, a pidi pa kita e suma presupuesta pa paga e 50% di e recorte, pero Gobierno a reacciona bisando cu ta warda e decision di Consejo di Minister di Reino y lo haci cambio si ta necesario.



BISTA RIBA Finansa Publico

CAMBIONAN CU A RESALTA COMPARA CU PRESUPUESTO 2021

GASTO DI PERSONAL	+8 MIYON FLORIN	PAGO 50% DI RECORTE 12,6%
SERVICIO Y PRODUCTO	+26 MIYON FLORIN	SCOGENCIA DI MANEHO
INTERES	+8 MIYON FLORIN	PA PAGA E 1014 MIYON CU MESTER FINANCIA
SUBSIDIO	+10 MIYON FLORIN	PAGO 50% DI RECORTE 12,6%
IMPUESTO DIRECTO	+64 MIYON FLORIN	EFEECTO PAGO 50% DI RECORTE 12,6% Y STOP DI SOSTEN FINANCIERO.
IMPUESTO INDIRECTO	+42 MIYON FLORIN	MEHORACION ECONOMICO
INVERSION	+16 MIYON FLORIN	TRABOUNAN URGENTE NA RWZI
FIANSA PA ESTUDIO	-	-
ENTRADA	+162 MIYON FLORIN	MEHORACION ECONOMICO Y STOP SOSTEN FINANCIERO
GASTO	-120 MIYON FLORIN	STOP SOSTEN FINANCIERO
NECESIDAD FINANCIERO	+112 MIYON FLORIN	-
DEFICIT FINANCIERO	-295 MIYON FLORIN	-

PRESUPUESTO
2022



Gobierno di Aruba

Polis a detene chauffeur bao influencia di un of otro substancia y cu tabata core “roekeloos” lanta handrem etc. treciendo peligro pa peatonnan y den trafico

Diadomingo madruga a drenta informe di cu tin un auto Kia cora coriendo den un forma irrasponsabel y “roekeloos” treciendo peligro pa peatonnan y trafico banda di South Beach, mesora a dirigi patruyanan na e sitio. Na caminda pa e sitio a drenta informe di cu e vehiculo a subi Sasakiweg, polisnan a ser desvia pa Sasakiweg. Un patruya a topa cu e vehiculo banda di Superfood y a para pa atende cu e chauffeur. Polis a nota cu e chauffeur lo ta bao influencia di un of otro substancia. Nan a detene y a bay warda di polis cun’e.



Booshi Wever:

J'ACCUSE (VIII)!

Pasando recientemente banda di e landfill na Parkietenbos mi no por a kere loke mi a mira, esta un cantidad cuantioso di saco tira "zomaar" riba e dump. Mi curiosidad a bira desespero ora cu mi a compronde cu e contenido ta saconan di "medical waste"! Y pa kita tur duda mi a saca un potret.

Aña pasa nos a tuma nota di un declaracion di e minister encarga cu e operacion di e incinerator na unda e mandatario a declara cu pronto e incinerator lo ta den full operacion y cu ta un paar di cosnan chikito falta pa e "porkeria" aki ta 100% operacional. Minister-President, den nomber di gobierno, a hasta firma un contracto multi-miyonario cu e compania amigo di O.O. pa e operacion di e "porkeria" aki. Un contrato cu nos a cuestiona from day one y cu nos tabata kere cu e minister no tabata tin e autoridad legal pa firma, mirando cu nan tabata tin un status demisionario.

Dia 2 di december 2019 mi persona a entrega un denuncia contra O.O. e.o. pa corrupcion, abuso di poder etc.etc. Recientemente mi a manda henter copia di e denuncia y e file completo pa e minister nobato concerni. Ya ta bai ta varios luna cu esaki a ser manda y ta parece cu e minister nobo tambe a scohe, mescos cu e fraccion di MEP, POR y RED den parlamento e tempo ey, pa tapa e PORKERIA cu OTMAR a bin cu n'e!

O.O. a bisa den Parlamento cu e incinerator chikito ta pa kima e.o. "medical waste". Ta kico a pasa anto cu e desperdicio ainda no a ser kima, pasobra ta hustamente e "medical waste" aki ta esun cu mas facil por ser kima.

Unda e instancianan manera DOW, DNM, SERLIMAR a keda? Atrobe nan ta scohe pa keda keto? No ta nan mester a controla? Si a traha un raport, na unda esakinan ta anto. Si e "miskoop" aki no ta kima ni e "medical waste" dicon pueblo no sa esey? Kico ta ser hasi cu e kehonan di e holor sumamente desagradabel cu e empleadonan cu ta trahando riba dump, ora "start up" e incinerator aki, ta experiencia? Kico ta wordo haci cu e sludge y e cadavernan? Esakinan tambe ta ser poni riba e dump? Esaki ta responsabel? Of nan ta wordo kima toch den aire liber?

Nos a denuncia den pasado na diferente ocasion cu e "PORKERIA" cu O.O. a laga cumpra cu sosten di EWC via un proceso CORUPTO NO ta sirbi. Ta remarcabel cu e minister encarga sr. Ursell Arends ainda ta tripi di declara cu ta algo super bon e incinerator aki ta. Nos a cuestiona tambe e hecho cu ningun hende cerca di O.O. por a lanta un "red flag" pa evita cu e corrupcion aki tuma lugar? P.e. un Marlon Croes di



DOW, sra. Zaandam cu awe pa colmo ta man drechi tambe di Minister Presidente EWC.

Enbes di laga haci un investigacion profundo encuanto e desaroyo negativo cu ta keda tuma lugar na dump, Premier EWC a prefera di "core" cu e minister cu si a tripi di denuncia e mal maneho cu a tuma lugar door di su antecesor O.O.

Henter Consejo di Ministro e tempo ey a haya delaster un documento cu ta ilustra claramente e corrupcion di dia cla den e caso aki. Es mas sr.Rocco Tjon y demas Parlamentarionan di e tempo ey, tambe a haya tur documento pa wak y tabata wordo informa y a prefera di a keda keto. Unda nan ta awe? Tur ta keto y sordo mudu!!!

Nos por a scucha con sr Aldrich Croes y su "fundacion" tabata gaba con tur cos ta bayendo bon na e dump. Unda nan a keda awor? Nan no a declara cu e incinerator ta un salvacion pa e bario? "Medical waste" bentá pa nan cuenta den aire liber ta e salvacion? Ta insolito cu e desperdicio sumamente peligroso aki no ta wordo kima mesora pero ta djis wordo benta con cu ta riba e dump. Esaki ta muestra cu ta parece cu "nobody cares" y absolutamente no ta responsabel !

Aki nos ta ripara cu sistematicamente ta purba di tapa e corrupcion y abuso di poder di O.O.! Of kizas mi mester keda keto y mi no mag di critica? Of mi mester bisa cu esaki ta algo bon? Comete corrupcion y tapa corrupcion ta mescos. Kizas tin hende ta pensa pa keda keto pa un tempo y pueblo lo lubida. Wel den e caso aki, esaki lo no

sosode. Den e proximo dlanan mi lo bolbe bay puntra OM dicon cu despues di mas di 2 aña cumi a entrega e denuncia contra Otmar cs pa e.o. corrupcion, ta parece cu e caso aki lo bai den e asina yama "doofpot"!

Esaki ta e 8 articulo cu e titulo "J'ACCUSE cumi ta publica, tur riba mesun topico y mi lo no stop tanten tur esnan cu a colabora y/o ta birando cara pa e corrupcion grandi aki wordo poni responsabel! Tipo di actitud asina, esta tapa maldad, NO ta INTEGRO!! Pueblo di Aruba; "QUO VADIS"!!



Partido Mep: Mientras MEP cu RAIZ si ta labora, AVP TA PREFERA SIGUI PRACTICA POLITICA ANTICUA DI SINTA HACI NADA Y DJIES CRITICA

December ultimo Gabinete Wever Croes 2 a anuncia un proyecto cu ta di suma importancia pa e desaroyo y progreso economico di nos Pais ademas di su balor agrega pa proteccion pa nos medio ambiente. Esey ta e proyecto di Eagle LNG, gas natural likido cu n'e momento cu e proyecto aki ta cla, lo percura pa e.o. reduccion di gastonan di produccion di energia cu na su turno lo transforma su mes den reduccion di awa y coriente pa nos pueblo y comercio.

Despues di tur e controversia cu oponentenan a purba na crea, tur esaki a keda desbarata na momento cu a bira claro den diverso publicacionnan, cu AVP ta "contra" e proyecto aki di GAS djies pasobra cu ta MEP a bin cu ne.

E proyecto di Eagle LNG ta netamente un logro di nos Minister President Evelyn Wever Croes cu a wordo concretisa pa Minister Glenbert Croes.

Diferente declaracionnan di Mike de Meza den tempo cu e tabata Minister, no tabatin caminda pa

gaba con bon nan proyecto di gas ta pa Aruba. Manera Mike de Meza a declara na 2016: "Minister ing. de Meza a papia di con e gas natural ta sirbi tambe pa un operacion mas eficiente di nos compania di produccion di awa y coriente, WEB Aruba N.V. Otro ehempel di un uso beneficioso di gas natural riba nos isla ta den transporte publico, pero tambe transporte en general. Te hasta turismo por conoce un impulso danki na e suministro di gas natural. "Hopi cruiseship ta cambiando nan fuel for di bunker fuel pa bay over pa LNG cu ta haci'e mas atractivo un bes cu bo tin e suministro ey na Aruba," asina e titular di Energia a splica.

Un bes cu e liñanan di crucero sa cu na Aruba nan por stop y ademas di haya un tremendo 'port of call' y alabes 'tank', sin duda algun, Aruba lo ta un opcion hopi mas conveniente compara cu otro islanan den Caribe." Esey ta palabranan di Mike de Meza, e Minister cu tabata prominente den AVP.

Ta kico a cambia anto? Esey



ta MEP su pregunta. Awe nan tur ta grita contra. Ta pasobra cu e ta un logro di MEP? Ta un berguensa cu e nobonan, cu mester ta e futuro dje Partido, a cay den e mesun politica negativo populista di AVP.

Awe AVP kier tilda Fraccion di MEP di a bay tene buitendag na WEB. Un declaracion di e profesor di AVP cu basicamente ta bisa bo: tende ta profesor mi ta, mi sa tur cos miho! Gerlien Croes cu mester bira e futuro lider di AVP a declara: MEP y RAIZ a bay tene rondleiding den WEB. E ta tristo cu cada bes

AVP ta reconfirma cu nan no tin interes di Pais Aruba na pecho. Cada bes nan ta comproba cu ta pasobra MEP a logra un proyecto asina importante, cu nan dolor tin mas balor y importancia cu e desaroyo di nos pais y bienestar di nos pueblo.

Djis sinta grita contra cada bes, ta prueba cu falta hopi madures politico den e integrantenan nobo di AVP cu lastimamente ta indica di tambe a bira estudiante di e Universidad di AVP. Y kico e Universidad aki a produci nos tur sa caba.

Minister di Labor, Energia & Integracion sr. Glenbert Croes,:

Palabra di gradicimento na miembronan di Parlamento cu a asisti presentacion di WEB

- Miembronan di Parlamento di Aruba tabatin e oportunidad pa realisa un bishita di trabou na WEB. Nae ocasion Miembronan di Parlamento a ricibi presentacion, y tabatin e oportunidad pa haci pregunta tocante e maneho y vision di e compania. Minister Glenbert Croes ta dirigi palabra di gradicimento na e liderazgo di Parlamento, den persona di sr. Edgard Vrolijk conhuntamente cu staff, Griffier y miembronan di Fraccion di MEP y Raiz den Parlamento cu a haci uzo di e oportunidad pa wordo bon informa.

Minister Croes a splica cu esnan cu a asisti e presentacion na

WEB a ricibi informacion di henter e vision a termino largo di transformacion energetico y meta pa tarifa di awa y coriente. Tambe nan a ricibi informacion di locual ta haciendo pa tarifa di awa y coriente keda abou y e rumbo pa LNG y hydrogen, teniendo na cuenta e cuido di medio ambiente.

'Ta gradici e delegacion di Parlamento cu si a asisti e presentacion na WEB, y haci uzo di e posibilidad y autoridad di Parlamento como e organo mas halto den nos sistema democratico constitucional. Asina ta sigura cu como representante di pueblo ta haya tur informacion pa sigura cu ta riba mesun pagina, rumbo pa



recuperacion economico di nos Pais y transformacion di nos Pais. Cu e meta pa haci Aruba un mihor Aruba pa e generacionnan cu ta sigui despues di nos', Minister Croes a expresa.

Terminando e mandatario a

gradici un bes mas tur cu a asisti e reunion y tambe WEB pa nan transparencia, profesionalismo y amor y dedicacion cu cual nan ta traha pa Aruba y cu den tur honestidad a percura pa suministra informacion cu representantenan di pueblo.

Parlamentario Alvin Molina (MEP): 100 dia di Gobernacion, 100 dia den Parlamento

Nos ta bibando continuacion di un crisis mundial cu tin nos tur frega. Negoshinan a sera, perdemento di trabou, tur sorto di reto economico, social y di salud. Un persona cu no a laga e desafionan aki strob'e pa logra su meta ta Heintje Ras. Pa colmo e tambe a cumpli 100 dia cu su lucha. E cu su ekipo a haci un esfuerso increibel pa por logra un mega museum di antiguedad pa Aruba, asina preservando pida di nos historia, y tambe poniendo Aruba riba mapa den Guinness World Book of Records. Ban aporta na e 'fundraising' pa por logra e bunita meta aki. Pero Gobierno tambe por aporta door di sondea con por yega na un edificio of un tereno pa e mega museo, pa ful Aruba y nos bishitantenan por gosa di dje.

Aña 2022 ta primiti di bira un aña di inversion y un aña di oportunidad. Inversion den bo mes; inversion den nos economia, inversion den nos pais creando oportunidad pa tur ciudadano di nos pais. Ta palabranan di nos Prome Minister Evelyn Wever-Croes. Un Minister President cu ta traha incansabel, dia y anochi pa su pueblo. Casi 21 mil persona cu a duna sosten na Partido MEP, cu 7518 Voto personal, pero mi ta sigur, hasta mayoria di hende na Aruba cu tin un ideologia diferente of kisas no ta kere den politica mes, lo ta di acuerdo cu nos tin un lider fuerte cu no tin miedo pa para duro y tuma decisionnan, tambe esunnan no

popular, pero semper na bienestar general di nos pais.

Mi no sa si e ta un di e metanan di nos participantenan, pero hecho ta cu dramatisacion ta keda un parti importante den sala di Parlamento. Esey ta normal, no solamente na Aruba, pero den Parlamentonan den Reino y rond mundo. Pa pueblo, e toke 'entertaining' toch ta parti di e proceso Parlamentario. Loke si mi kier urgi mi coleganan ta pa nos no lubida e contenido y e pakico nos tey. Nos tey pa tene nos gobernantenan skerpi, pa nan haci nan trabou bon y pa duna nan e 'tools' pa nan por traha. Cu otro palabra nos tey pa percura pa Gobierno por haci su trabou mas miho posibel, cu bienestar di Aruba na prome lug.

Den Fraccion y Coalicion mi ta experiencia un ekipo dinamico, energetico y diversifica, cada miembro cu nan profesion/experticio/pasion, y husto esey ta haci e ekipo mas fuerte ainda. Interno nos tin un bon comunicacion y tin un esfera cu ta wordo aprecia pa nos ta critico na otro y tambe na Gobierno. Loke si mi ta desea pa por crece y mi ta 'willing' pa aporta na dje ta haci bon uso di tanto capacidad/conocemento/experiencia cu tin den Fraccionnan den oposicion. Un manera cu a cuminsa cu esey ta den comisionnan fiho. Mimes ta voorzitter di comision di Husticia y comision di Infraestructura y den



algun reunion cu a tuma lug a caba mi tin cu bisa cu mi ta hopi contento cu participacion di tur Fraccion. Mi meta ta pa nos tin un nivel di intercambia cu otro den comision pa asina nos por organisa reunionnan cu ministernan y mando di departamentonan cu un resultado efectivo pa cu e servicio duna na pueblo.

Cu mi 4 luna como un representante di Aruba sigur mi ta un nobato den politica, pero manera cos a ranka sali for di comienso ta hayabo obliga pa siña rapidamente. No na delaster lug a paso nos tin un voorzitter di Parlamento cu ta yena nos agenda rand rand cu tur sorto di reunion. Sigur mi ta aprecia bon consehonan, informacion ricibi y ranca na orea di tur hende cu ta 'willing' pa comparti cumi. Masha danki pa esey y please sigui haci'e. Mas mi siña,

mas miho mi por sirbi Aruba.

Dado momento e reunionnan den Parlamento a bira asina hopi cu ma bisa miho mi tuma par di dia liber pa mi por haci mi trabou. Ta coi loco dimes. Pero cu esey mi kiermen mi ta sinti e deseo di haci hopi mas riba e dos topiconan cu for di tempo di campaña mi a papia di dje. E prome ta Husticia/Seguridad. Te awor a logra un bon reunion cu comision fiho y varios encuentro cu departamentonan. Mi tin cu bisa cu tin un bon relacion entre Minister di Husticia y parlamento. Comision lo planea un reunion mas lihe posibel cu Minister pa nos por sigui dialoga riba su maneho. Di mi banda ta primordial pa e maneho tin como componente colaboracion entre departamentonan, un estructura di organizacion efectivo y percura pa e coleganan

ricibi loke nan merece. Tur esaki cu e solo meta un Aruba mas sigur pa nos hendenan local y nos bishitantenan. Un topico di seguridad cu merece hopi atencion ta con pa proteha nos muchanan/hobennan mas miho. Percura pa nan por ricibi bon educacion y pa nan por participa den actividadnan positivo. Tambe preveni pa muchanan wordo abusa/maltrata y si esaki sosode toch pa esnan culpabel ricibi un castigo husto cu lo preveni pa hendenan lo sigui comete e actonan castigabel.

Aruba, hopi bendicion pa 2022.



Titulo ta bisa tur cos “Nos semper t’ey!”

Hospital ta lansa cancion propio cu talento propio



Na Dr. Horacio E. Oduber Hospital tin mas di 1000 profesional ta traha diariamente pa e pashent su salud cu ta e prioridad. Pero banda di ta profesional den mundo di cuidu y salud tin hopi talento den diferente otro ramo ta cana rond. Un coro a nace aña pasa september despues cu a hasi un “talent search” internamente y awe orguyosamente nos ta lansa e bunita producto final titula Nos semper t’ey conhuntamente cu un videoclip cu ta dunabo e sentimento berdadero cu no ta importa e ora, dia, funcion ni edad, paso Nos semper t’ey!

E idea di lanta un coro di colega di HOH y graba un cancion a cuminsa desde aña pasa for di colega Jessy Leon-Tromp di departamento di Comunicacion. Manera

cu a presenta e idea a haya “green light” di Hunta di Directiva y e “brainstormsessions” hunto cu colega Rachel Kraaijvanger a cuminsa. A acerca e tan conoci compositor Eltienne Yarzagaray y durante e meeting colega Jessy a bise cu e ta pensa den e direccion di “Nos semper t’ey”. Sin importa ora, dia, cualkier momento den un persona su vida cu por ta uno alegre of uno doloroso cu mester nos di HOH semper t’ey pa sostene y brindabo e cuidu y sosten. “Corda cu e salud di nos pashentnan ta nos prioridad”; Jessy a termina bisando. Y Eltienne a encanta e idea y a ranca sali cu su composicion y manera e team di HOH a scuche a sigui cu e proceso di training sigui pa grabacion. E training a wordo guia pa colega

Rachel y Jessy cu a haci un super trabou.

Un coro for di diferente skina di HOH, diferente cultura y funcion a join y a logra un bunita cancion. Algun ta cantante ya conoci, otronan in e talento pero no sa sali den publico a logra yega na un cantica excepcional cu por wordo scucha y ta dunabo un sentiment di alegria. E grabacion a tuma lugha durante un weekend na november di aña pasa cerca areglista y productor Rygel

Isabella di REI Music Creation. E idea pa loke ta e videoclip a sali for di team di Comunicacion. E magia a wordo hasi un realidad pa Gleison Mateus asisti pa Jason Inesia di Awareness.

Gradicimento ta bay na tur e talentonan di HOH su coro esta Romeo Kilayko, Randall Leong, Bert Rodenburg, Jacco Vroegop, Rachel Kraaijvanger, Fridelaine Lopez, Nohaly Lue, Sue Ann Luidens, Mahalia Manuela, Brittney Hazel, Hanna Lanting,

Ligia Geerman, Jelissa Martinus, Hortencia Nijhorst, Loura in 't Veld, Natacia ter Beek, Janet Campo, Charmain Odor, Zulaika Geerman, Jessy Leon-Tromp.

Spera tur hende disfruta di e bunita cancion aki di HOH cu a wordo traha cu hopi curason pa boso tur cu ta kere den nos profesionalnan paso nos kier pa boso sa cu no ta importa ken bo ta, ni rasa, ni cultura, ni religion..den bon y den menos bon Nos semper t’ey!



Iniciando 2022 cu enfoke y determinacion Lidernan prominente ta colabora y lansa **MOMENTUM Men's Seminar**



y falta di siguransa pa asina haci nan soñonan bira realidad pa loke ta nan potencial como empresario, lider of comerciante cu nan a wordo diseña pa ta.

Ta trata aki di Coachnan, Harold F. Grant, Dave Martinus, Raymond Maxwell, Francis Groeneveldt y Rene Wild, cada un experto riba nan tereno di experticio.

Harold F. Grant - Fundador di Corporate Impact y un lider prominente den nos comunidad specialisa den area di famia y



particular e hende homber enca-besando y liderando su famia, su negoshi, carera y cada area di su vida di manera conkistado, cu enfoke pa fortalece e pilarnan clave pa logra exito pa nan mes y consecuentemente, Aruba su futuro generacionnan.

Dave Martinus, experto certifica den comercio, fundador di ActionCOACH Business Coaching y facilitador certifica pa e programa di desaroyo corporativo yama ADDINGZEROS cu tin como enfoke pa yuda individuonan amplia nan manera di pensa y bira exitoso den nan negoshi y carera creando asina e libertad necesario pa pasa tempo cu nan sernan keri.

Raymond Maxwell, Facilitador Senior y licenciado oficial di FranklinCovey Caribense Hulan-des y director di EduMax Training & Consultancy. Un graduado mediador registra - NMI di 'Nederlands Mediation Instituut' y ta hopi activo riba e tereno di liderazgo ofreciendo ayudo personal y profesional alcansando asina metanan y resultadonan desea.

Coach Francis Groeneveldt, experto certifica riba tereno di liderazgo y finanzas di Lead2Success particularmente specialisa riba e tereno di 'Financial Freedom' cu ta enfoka pa sanea situacionnan di debe y construi structuranan nobo pa logra sali for di cualkier situacion negativo pa uno positivo y asina posiciona individuonan riba e caminda di exito.

Y pa loke ta trata inteligencia fisico - algo sumamente necesario pa un mente conkistado - Instructor fisico y Nutricionista, Rene Wild di 'Wild Fit,' lo bay ta compartiendo su experticio pa asina percura pa un curpa y mente fisico halto den energia y determinacion pa alcanza nan metanan.

Un mainta poderoso pa ranca sali 2022 cu hopi energia, enfoke y determinacion cu lo resulta den un clausura cu puro exito. E mainta lo inicia pa 10or di mainta y ta programa pa termina 12or di merdia.

MOMENTUM Men's Seminar lo tuma luga dia 15 di januari binidero, den edificio di Corporate Impact Ministries situa na Caya G.F. Betico Croes. Henter e 'line-up' yena cu rikesa intelectual lo bay ta literalmente un regalo pa e lidernan, cabesante di fami-



anan di nos comunidad, ya cu e lo bay ta uno completamente gratis.

Registracion pa reservacion di asiento ta necesario, semper aplicando reglanan di DVG. Esaki por wordo haci via www.eventbrite.com, search evento: MOMENTUM ARUBA of door di tuma contacto via 5881477 of +297 593 4535.



ORANJESTAD - Cu e solo meta pa empodera hende hombernan den nos comunidad y yuda nan yega na nan siguiente nivel den vida, cinco (5) lider prominente riba e tereno a bini hunto y ta lansa seminario pa hende haber titula, MOMENTUM Men's Seminar.

Un conferencia diseña pa prim-eramente yuda nan descubri nan potencial individual, cu ta e fundeshi cu ta dirigi nos pa al-



cansa nos destino. Ofreciendo guiya pa hende hombernan cu entre otro, kisas por a lanta sin un relacion paternal percurando asina pa un falta di siguransa propio. Intencion ta, pa trece claridad posibel den areanan di confusion

Ladronnan a bay cu e brommer Suzuki GSXR 2006 di 1000cc color silver y riba e shield dilanti 006 for di Rumbastraat

Diaranzon mainta a drenta informe di un caso di ladroncia di un brommer for di Rumbastraat, mesora a dirigi un patruya na

e sitio.

Na yegada di e patruya a bin compronde cu entre 2or y 9or di mainta ladron-

nan a horta un Brommer Suzuki GSXR 2006 di 1000cc color silver e R ta

blauw y na e front shield tin 006 riba dje. Si abo por sa algo di ken of

unda e por ta yama polis mesora.



SOLO De Pueblo

Polis a bay yuda homber di edad cu a cay for di rolstoel special den cura di su cas na Piedra Plat



Diaranzon mainta a drenta informe di cu un homber di edad cu a cay



for di rolstoel special den cura di su cas na Piedra Plat, mesora a dirigi un patruya na e sitio.

Polis a yuda e homber lanta y a pone riba un stoel normal y despues a pone riba su rolstoel special.



TENE NA CUENTA E USO OBLIGATORIO DI TAPABOCA

Fundashon Stimami Sterilisami Ta Organisando Su Programa Pa 2022

ORANJESTAD, Aruba - Januari 11, 2022 - Fundashon Stimami Sterilisami ta

preparando pa lansa su campaña nacional di sterilisacion di cacho y pushi pa 2022.

Danki na contribucionnan generoso di Bucuti & Tara Beach Resort, Aruba Tourism

Authority, Aruba Bank, Setar N.V., Ewald Biemans, huespednan di Bucuti y

residentenan local, e fundacion lo por cuminsa cu su campaña di sterilisacion pa

2022!

E programa cu a wordo inicia y pa gran parti financia door di Bucuti & Tara Beach

Resort y a wordo sosteni door di otro organisacionnan, a logra sterilisa

aproximadamente 27,724 cacho y pushi entre 2016 - 2021. "Aunke esaki ta un logro

grandi, nos ta hopi leu di logra nos mision pa resolve e problema di sufrimento di



cacho y pushi riba caya," Biemans ta splica. "Sin sterilisacion, un cacho of pushi ta reproduci exponencialmente. Awo cu nos mester a stop pa seis luna,

nos ta wak e situacion cu nos a traha asina duro pa mitiga, birando pio atrobe. Tur dia nos ta wak mas y mas cacho of pushi bando-na. Pesey nos ta sumamente agra-decido na tur

organizacion y persona cu a contribui y nos ta cla pa cuminsa duro bek den 2022.

Nos ta haci un yamada na e poblacion pa porfavor sterilisa boso mascota na tempo.

Keda pendiente pa mas informacion den un paar di dia."

Fundashon Stimami Sterilisami ta un non-profit organization cu

ta uza 100% di tur donacion pa ofrece subsidio parcial pa e procedura di sterilisacion pa tanto publico en general, como tambe organisa-cionnan di boluntario cu ta cuida bestianan di cas

of riba caya. E organizacion su bukinan ta habri y ta wordo controla pa asina brinda

transparencia total di e uzo di fondonan. Pa esnan cu kier aporta na e gran causa aki,

por haci donacion directo na Fundashon Stimami Sterilisami,

cuenta: Aruba Bank 6012630190.



TENE NA CUENTA E USO DI TAPA BOCAS

Yama nos y traha cita pa controla bo pecho nan .



Hende muher nan entre 45 cu 75 aña di edad.

Haci bo mamogram cada 2 aña.

Stichting BOB Aruba a muda

Adres : Caya dr. JEM Arends 17

Telefon: 588-1212 **WhatsApps:** 594-5020

Nos ta traha solamente cu cita confirma. Servicio gratis cu carchi AZV

Deteccion na tempo por salba bo bida !



LINAZA, UN ALTERNATIVA NATURAL PA ADELGASA

Linaza a wordo reconoci pa hopi tempo pa su propiedad y componen-tenan cu ta di gran beneficio pa e organismo. Diferente estudio a revela cu linaza tin componen-tenan hopi saludabel cu ta yuda na un miho funcionamiento di hopi parti di e organismo.

E asina yama super-simiya tin propiedadnan cu ta actua como antiinflamatorio, antioxidante, desintoxicante y antialergico. E ta mehora e sistemanan cardiovascular y digestivo; ta sirbi pa preveni enfermedadnan manera cancer, artritis, sintomanan di menopausa y hopi otro beneficio entre cual por haya den e propiedadnan cu e tin, como un adelgasante natural.

Con linaza ta funciona pa adelgasa?

E simiyanan di linaza ta un gran alternativa pa esnan cu kier baha di peso; e regla pa logra esaki ta pa kima caloria y linaza ta cumpli un gran funcion den esey.

Manera ya nos a menciona anteriormente, linaza tin propiedadnan antioxidante cu ta mehora e metabolismo, su fibranan dietetico ta duna e persona e sensacion di un stoma yen, cual ta yud'e pa preveni ansiedad y danki na su acidonan graso, Omega 3, por reduci e gusto pa sucu.

Tratamento di linaza pa adelgasa

Si bo ta desea di proba di e beneficinan cu linaza tin pa yuda adelgasa, mas bal bo cuminsa incluy'e den bo diet den un forma disciplina



y constante, pa esey tin un tratamiento cu bo tin cu haci tur dia den un forma controla y cu cada un di e cumindanan di dia.

Lo bo bay tin mester di:

- Simiya di linaza mula
- Awa

Kico bo tin cu haci?

Lo ideal ta pa cuminsa cu e tratamento ta consulta previamente e nutricionista pa eyudabo calcula e dosis ideal cu bo organismo tin mester. Por lo general loke ta recomendable ta usa tres cuchara di linaza diario, dividi den e dia, pa e razon aki pa cuminsa tuma e racion recomienda di linaza y lo bo bay consumi'e durante tres cuminda di dia.

Pa cada cuchara di linaza mula, lo bo tin cu tuma un glas di awa, como ta tres cuchara, e ora tres glas di awa di linaza durante dia, prome cu cada cuminda.

Un alternativa diferente na esaki ta, ta pa tuma e mesun racion di linaza y aña di'e na e alimentonan manera cereal, yoghurt, batido, salada, entre otro. Su funcion pa adelgasa



lo ta e mesun y tambe lo dunabo resultado.

Finalmente, ta recomenda pa usa e linaza pa substitui azeta, margarina of manteca y webo; si algun plato bo tin cu prepara, ta contene e ingredientenan aki, ta recomenda pa usa na su luga, tres cuchara di linaza of e cantidad cu bo ta considera necesario.

Consehonan pa miho resultado

1. Bo mester ta constante cu bo consumo di linaza, di e forma aki e tratamento lo dunabo

resultado y den e prome luna lo bo cuminsa nota e cambio.

2. Ta conseha pa bo consumi linaza durante dos luna sigui y despues haci un reces di 3 pa 4 siman prome cu bolbe cuminsa.

3. Combina e consumo di linaza cu un alimentacion balansa, sano y liber di vet.

4. Corda cu pa mehora bo figura ta vital pa bo tin un bon rutina di ehercicio.

Efectonan secundario y

advertencia di tratamiento E consumo di linaza por tin algun efecto secundario den algun organismo ya cu no tur hende por ricibi'e igual, ta adverti di su consumo specialmente na personanan cu ta ingeri algun tipo di medicamento recomienda pa un experto.

E azeta di linaza tin algun interaccion cu algun medicamento y ta influi principalmente den e velocidad na cu esaki ta wordo absorbi den e curpa. Dicho medicamentonan sa ta loke ta manda

pa e adelgasamento di sanger, diabetes y tratamentonan hormonal.

E acidonan graso di Omega 3 aunke ta beneficioso, su dosis den algun organismo por provoca hemorragia pa efectonan anticoagulante. E mesun propiedad aki por descontrola un poco e presencia di sucu den sanger, pa e funcion cu e tin pa disminui e gusto pa sucu. Ta sugeri pa usa solamente e dosis recomienda y no excede e consumo durante dia.

Ladron a kibra den 2 auto na Paradera mientras doñonan tabata paden di lugar


Diadomingo mey anochi a drenta informe di un caso di kibra y ladronia for di 2 auto na un sitio na Paradera, mesora a dirigi un patruya na e sitio.

Na yegada di e patruya a bin compronde cu aki ta trata di kibra y ladronia for di un Toyota Hilux pick-up y un Honda Odyssey. Segun testigo mey ora promer a nota un persona sospechoso cana for di eynan bay direccion Rooi Afo e tabata bisti cu un T-shirt blanco, petchi berde cu short di jeans bisti.

Cual descripcion lo ta cuadra cu e conocido di



polis " Koki". Polis a bay rondea den e vecindario pero no a logra topa cun'e.



Polis a detene un chauffeur burachi involvi den un accidente

Diasabra anochi a drenta informe di un accidente na Sabana Blanco, mesora a dirigi un patruya na e sitio. Na yegada di e patruya

a bin compronde cu aki ta trata di un accidente entre 2 vehiculo s.u.v. unda ambos vehiculo tabata core mucho pega cu otro memey caminda y nan a pasa raspa otro. Polis a nota cu un di e chauffeurnan tabata burachi y a detene. Afortunadamente ningun hende a resulta herida.



PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

PRONOSTICO DI TEMPO

VALIDO TE DIAHUEBS 13 DI JANUARI 2022, 18:00 ORA.

ELABORA: DIARANSON 12 DI JANUARI 2022 17:00 (21:00 UTC)

TEMPO:

AWE ANOCHI: PARCIALMENTE NUBLA Y GENERALMENTE SECO

DEN MARDUGA I MAYAN: PARCIALMENTE NUBLA CU UN AWACERO PASAJERO

TEMPERATURA MAXIMO 30 GRADO CELSIUS
TEMPERATURA MINIMO 25 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 32 PA 34 GRADO CELSIUS
UV INDEX: 8

BAHADA DI SOLO : 6:32 PM
SUBIDA DI SOLO : 7:05 AM

BIENTO:

MODERA FOR DI GENERALMENTE OOST;
FORSA 3 TE 4 (12 TE 30 KM/ORA, 7 TE 16 NUDO).
DEN DIA BASTA FUERTE TE POSIBLEMENTE FUERTE DEN
RAFAGA;
FORSA 5 TE 6 (31 TE 50 KM/ORA, 17 TE 27 NUDO).

SITUACION GENERAL DI TEMPO PA PROXIMO 24 ORA:
AIRE UN POCO MAS SECO A DRENTA ATMOSFERA RE-
GIONAL.

SINEMBARGO, DEN ORANAN DI MARDUGA I MAINTA
TREMPAN

HUMEDAD POR BIRA NET SUFICIENTE PA PRODUCI LO-
CALMENTE
UN AWACERO PASAJERO. PA SOBRA DI DIA TEMPO LO
KEDA
GENERALMENTE SECO.

CONDICIONAN MARITIMO/ ESTADO DI LAMA:
TA SPERA UN ESTADO DI LAMA LEVE NA PARTINAN
PROTEJE, Y MODERA NA PARTINAN ZUID. NA PARTINAN
OOST TE NOORDWEST LAMA LO TA MODERA CU OLANAN
ENTRE 3 PA 4, LOCALMENTE 5 PIA.

AVISO/ ALERTA:
NINGUN

FENOMENONAN SPECIAL
NINGUN

POTENCIAL DI AWACERO PA PROXIMO 24 ORA:
1 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 30 / MIN 24 / 0.0 MM
WESTPUNT: MAX 30 / MIN 24 / 1.4 MM
STA ROSA: MAX 30 / MIN 24/ 0.7 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO PASAJERO TE
BREVE.

BIENTO LO TA FOR DI GENERALMENTE DIRECCION OOST
I MODERA; BASTA FUERTE DEN RAFAGA;
TEMPERATURA (GRADO CELSIUS) MAX / MIN LO TA:
30 / 25

Tur Mucha bon vacuna

**Gratis y
confidential**



Pa Kiko?

Pa proteha y garantiza e bienestar y salud di
tur mucha cu ta biba na Aruba.

Ken?

Tur mucha di 0 pa 12 aña cu ta biba ilegal
na Aruba.

Con lo hacie?

Lo duna e vacunanan necesario pa completa e schema di vacunacion contra Sarampi, Bof
(Cacheton), Rubella (Sarampi Aleman), Difteria, Tetanus, Kinkhoest, Polio, Pneumococ,
Hepatitis B y HPV (Human Papilloma Virus).

Na unda?

Na e Wit Gele Kruis of e Seccion Cuido Salud Hubenil (JGZ)
cu ta e instancianan
na Aruba encarga pa vacuna muchanan 0 pa 12 aña.

	Telephone	Whatsapp	Email
WGK Noord	281-4514	594-8439	swgk.noord@witgelekruisruba.org
WGK Dakota	281-4515	594-8476	swgk.dakota@witgelekruisruba.org
WGK Santa Cruz	281-4517	594-8437	swgk.stacruz@witgelekruisruba.org
WGK San Nicolas	281-4523	594-8443	swgk.sannic@witgelekruisruba.org
Cuido Salud Hubenil (JGZ)	522-4294		jgz@dvg.aw

Corda e servicio aki ta gratis y tur informacion lo keda personal y confidential

Pa mas informacion por subi e website: www.dvg.aw/turmuchabonvacuna



GARDEN & MAINTENANCE SERVICES
ARUBA

Sushi di cura?

Nos ta tir'e
afo

AWG 50

OFERTA GRATIS OF RESERVACION
+297 7460815
AKGARDENARUBA@GMAIL.COM

BAN TENE ARUBA LIMPI



SERVICIO Y COMPRA



OBITUARIO

Publica serka nos anuncio di fayecimento di bo ser keri.
Nos tin 2 pakete pa ofrese

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina
na 585-9500 of na 741-4554 puntra pa
Jamilia Henriquez

Ta huur - Ta huur - Ta huur

Apartamento di un camber

Serca di caminda grandi
Calla Betico Croes den area
di seroebiento.

Pa mas info.
5659595

SCEPTIC TANK (7 CUBE)

PRIJS SPECIAL
AWG 75,-



YAMANOS NA:
560 3500 OF 563 4201

FOR RENT - FOR RENT - FOR RENT

House (furnished) located at Paramira (vicinity of SETAR)

Living room annex kitchen

2 bedrooms airco's split unit (inverter)

Fully enclosed / concrete fencing

Monthly rent Afl 1650,00

Utilities not included No pets allowed

Fore more info 566 6120

Hyundai Tucson 2009 Top 1 condition



Call: 5942389

Clasificados



SOLODIPUEBLO@GMAIL.COM

CEL.585 9500





Lotto MERDIA
JANUARI 12

CATACHI	LOTTO 5	
Sorteo # 3443	Sorteo #	Joker Letter
7317	0 x Jackpot	Proximo Jackpot
9161	0 x Match 4+	
1164	0 x Match 4	120.000,-
	0 x Afl. 12,00	
BIG 4	LOTTO DIA	
Sorteo # 3443	Sorteo #	Proximo Jackpot
0432	0 x Jackpot	
	0 x Match 4	61.000,-
	0 x Afl. 8,00	
10FF	MEGA	
Sorteo # 1499	Sorteo #	Mega Ball
3046	0 x Jackpot	Proximo Jackpot
	0 x match 4	
	0 x Afl. 500,00	360.000,-
	0 x Afl. 50,00	
	0 x Afl. 15,00	
ZODIAC	MEGA	Afl. 450.000,-
Sorteo # 3443	MEGA REUS	
5126		
Leo		
LUCKY 3	KORSOU	
Sorteo # 317	Sorteo #	
320		
MULTI-X		
X2		

Lotto ANOCHI
JANUARI 11

CATACHI	LOTTO 5	
Sorteo # 7538	Sorteo #	Joker Letter
7099	0 x Jackpot	Proximo Jackpot
4700	0 x Match 4+	
2498	0 x Match 4	120.000,-
	0 x Afl. 12,00	
BIG 4	LOTTO DIA	
Sorteo # 6582	Sorteo # 5648	06-10-11-16-30
0098	0 x Jackpot	Proximo Jackpot
	6 x Match 4	61.000,-
	147 x Afl. 8,00	
10FF	MEGA	
Sorteo # 1287	Sorteo # 1419	03-08-12-28
4256	0 x Jackpot	Mega Ball 14
	0 x match 4	Proximo Jackpot
	7 x Afl. 500,00	360.000,-
	60 x Afl. 50,00	
	67 x Afl. 15,00	
ZODIAC	MEGA	Afl. 460.000,-
Sorteo # 5341	MEGA REUS	
2048		
Sagitario		
LUCKY 3	KORSOU	
Sorteo # 271	Sorteo #	
432		
MULTI-X		
X2		

Pa abona na SOLO DI PUEBLO

Yama
585 9500
of manda nos un e-mail na
solodipueblo@gmail.com

Entrega tur dia te den bo port'i cas

Lotto MERDIA
JANUARI 10

CATACHI	LOTTO 5	
Sorteo # 3441	Sorteo #	Joker Letter
7016	0 x Jackpot	Proximo Jackpot
1936	0 x Match 4+	
9348	0 x Match 4	120.000,-
	0 x Afl. 12,00	
BIG 4	LOTTO DIA	
Sorteo # 3441	Sorteo #	Proximo Jackpot
8572	0 x Jackpot	
	0 x Match 4	59.000,-
	0 x Afl. 8,00	
10FF	MEGA	
Sorteo # 1497	Sorteo #	Mega Ball
8956	0 x Jackpot	Proximo Jackpot
	0 x match 4	
	0 x Afl. 500,00	350.000,-
	0 x Afl. 50,00	
	0 x Afl. 15,00	
ZODIAC	MEGA	Afl. 450.000,-
Sorteo # 3441	MEGA REUS	
5182		
Cancer		
LUCKY 3	KORSOU	
Sorteo # 315	Sorteo #	
205		
MULTI-X		
FP		

Minister Dangui Oduber

BOOSTER SHOT TA BRINDA PROTECCION CONTRA DELTA Y OMICRON

ORANJESTAD – Diaranson Minister di Turismo y Salud Publico Sr. Dangui Oduber tabata den un conferencia di prensa caminda e la duna un actualisacion di henter e situacion di COVID-19 na Aruba. E mandatario a papia di e cantidadnan di caso cu tin, e cifranan di e hospitalisacion actual y e capacidad cu tin den cuida intensivo y e personal cu tin na nos hospital, a base di tur e puntonan aki e mandatario ta tuma e desicionnan mas responsabel posibel, teniendo cuenta entre e balansa cu tin entre salud y e economia semper segun e Minister Oduber.

Minister Oduber a señala cu apesar cu Aruba tin mas di 3 mil caso activo, tog e situacion na hospital ta bou di control. Tin un aumento si di e cantidad di admision na hospital e ultimo dianan, pero si compara tempo di e variante Delta, awor e admisionnan ta bay mas slow. Segun estudio haci rond mundo, awor por conclui cu e variante omicron ta mucho mas contagioso cu e demas variantenan pero tambe e ta muestra di ta menos peligroso. Esaki ta duna nos un perspectiva mucho mas positivo pa locual ta e ola number 5 cu Aruba ta pasando aden. **Booster Shot**

Actualmente tur persona cu ta riba e edad di 40 aña por haci uzo di e oportunidad pa tuma e “booster shot” por medio di un “walk in” di 8 or di mainta

pa 3 or di atardi na Centro Libertador Betico Croes na Santa Cruz. Orario pa por acudi pa ricibi e Booster shot ta di 8 or di mainta pa 3 or di atardi non stop na Centro Libertador Betico Croes for di dialuna pa diabierna. Den weekend ta sera.

Manera por observa rond mundo e booster shot ta brinda proteccion extra contra Delta y e variante nobo Omicron, haciendo cu e efectonan ta menos severo pa e persona cu keda contagia cu e virus.

Paga bo cuenta online ta facil

Sea
Abonnement
of Aviso



Pa hasi pago online pone number y adres na cuenta di banco RBC Sunmax Printing
account # 7700000100152447

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

Botica na Warda

JANAURI

Dienstregeling artsen Pariba Di Brug

JANUARI 2022

Dr. Boderie, E.
Dr. Croes, G.
Dr. de Cuba, M.
Dr. Every, B.
Dr. Giel, D.

Dr. Linden v/d, J.
Dr. Ramautar, K.
Dr. Vis, S.
Dr. Wever, M.
Dr. Winterdal, N.

MA 03 RAMAUTAR
DI 04 VIS
WO 05 WEVER
DO 06 WINTERDAL
VR 07 BODERIE

MA 10 CROES
DI 11 DE CUBA
WO 12 EVERY
DO 13 GIEL
VR 14 LINDEN V/D

MA 17 RAMAUTAR
DI 18 VIS
WO 19 WEVER
DO 20 WINTERDAL
VR 21 BODERIE

MA 24 CROES
DI 25 BODERIE(BETICODAG)
WO 26 DE CUBA
DO 27 EVERY
VR 28 GIEL

MA 31 LINDEN V/D

WEEKENDDIENST

01 JANUARI	*	DE CUBA
02 JANUARI	*	LINDEN V/D
08 – 09 JANUARI	*	CROES
15 – 16 JANUARI	*	DE CUBA
22 – 23 JANUARI	*	EVERY
29 – 30 JANUARI	*	GIEL

NUMBERNAN IMPORTANTE pa covid-19



Emergencia pa covid pashent
166

7pm-7am di
Dialuna pa
Diabierna/
Weekend
full dia



Test den siman
Yama bo Dokter di Cas

Orario di
oficina so



Keho pa infraccion di regla di negoshi
522-4267

Orario di
oficina so



Test prome cu bay den exterior
597-4522, 280-0630 y 592-0709

Orario di
oficina so



Persona indocumenta cu sintoma
280-0101

Orario di
oficina so



Turista cu sintoma
280-0505

Orario di
oficina so



8 Comments

Chauffeur di Byd no a regula su velocidad ni a mantene distancia a bay dal tras di un Toyota Yaris na Cura Cabay



Diasabra atardi a drenta informe di un accidente cu hende herida na Cura Cabay, mesora a dirigi tanto polis como ambulans na e sitio.

Na yegada di e patruxa a bin compronde cu aki ta trata di un accidente unda cu e Byd F3 no a regula su velocidad ni a mantene distancia a bay dal tras di

e Toyota Yaris. Debi na e fuerte impacto un persna a resulta herida. Na yegada di e ambulans nan a atende victima levemente herida.

Un mayor ta insisti pa e mucha traha su huiswerk, pa e come tur su cuminda, pa e come berdura, pa e mantene hygiene, pa tur ora e tin algo na su pia y pa e ta decente.

Un mayor ta persisti pa e mucha caba su scol, y sigi studia, pa mayan cu Dios kier e por tin un titulo, y un bon trabao.

Ora mayornan insisti y persisti cosnan positivo den bida di nan yuinan, bo ta nota cu e tin un autoridad paternal hopi amplio, den cual e por coregi, instrui, y disciplina, pero toch e no ta abusa.

Pasobra manera e tempo ta mostra nos den 2 Tim capitulo 3 vers 1-9, nos ta den tempo trahoso y nos mester pidi Dios tur sabiduria pa deal cu nos famia, pasobra tin hopi asunto y hopi cos ta bay rond, cu si como mayor e asunto nan aki no wordo atendi cu sabiduria di Dios, e enemigo lo gara nos yuinan.

Awor e necesidad di Cristo den nos yuinan su bida, ta mas bisto cu nunca, pasobra hobennan ta frontliner den tur cos, tanto cosnan

positivo como negativo y especialmente den tecnologia cu ta hortando curazon di nos hubentud, pasobra ya caba hopi hoben ta completamente domina door di nan telefon, pesey ta keda na nos como mayor pa inisiti cu e palabra di Dios pa nan bida, ya cu awor mas cu nunca nos tin tur prueba pa muestra nan kico ta un bida sin Cristo.

Hopi biaha nos ta tende e palabra cu bo no por forza e mucha, awel no ta asunto di forsa, pero ta asunto di persisti, den e Palabra di Dios, pa mayan cu Dios kier abo como mayor y e mucha no tin mester di arepentí.

Pasobra e bida di caya, no ta forsa e mucha, pero e ta gara e mucha di tal forma, cu e ta join sin busca drechi, pasobra e mucha ta pensa si otronan por hacie mi tambe por hacie.

Awel como mayor nos mester ta prome cu caya, y prome cu e grupo di amigonan, cu e Palabra di Dios, pa asina e muchanan por haña sa cu ni maske cuanto caya ofrece Dios

tin lo miho pa nan bida. Tur ley cu ta wordo cambia pa asina haci mucha mas liber di e autoridad di mayor no ta di Dios. E ley aki ta bay completamente contra Efesios capitulo 6 vers 1-4 y ta stroba e crecimiento Spiritual y social di e mucha, pasobra e mucha ta bay resulta den rebeldia.

Como mayor nos mester busca cara di Dios, ora libertinahe bati na porta, pasobra e enemigo kier pasa over di tur ley, haciendo comosifuera mayornan tey solamente biologico y na cierto edad hopi tempran e mucha mes por dicide.

Den 2 Timoteo capitulo 3 vers 14 ta para scirbi: Ma abo continua den e cosnan cu bo a siña y keda convencí di dje sabiendo di ken bo a siña nan.

Tur escritura ta inspira pa Dios, y ta util pa enseñansa, pa reprendemento, pa coreccion, pa educa den husticia, pa e hende di Dios por ta perfecto y equipa den tur bon obra.

Sinceramente
Pastor Marcel Balootje.

FORTALEZA PA FAMILIA Scirbi pa Pastor Marcel Balootje. INSISTENCIA Y PERSISTENCIA TA HALSA MORAL DI FAMILIA



Top95fm

Posted by Creator Studio for iOS

1m · 🌐

Bo ta un Early Bird? Renobando nos programacion; Tin oportunidad pa un Early Bird energetico, pa traha di 5am pa 7am.. Nos ta open pa scucha; SEA ta gospel, balada, "lanta'riba".. of programa di oracion of un combinacion. Pa mas informacion, tuma contacto cu nos. top95fm@gmail.com



95

Gradicimento y Invitacion

Den nomber di su yiunan, Frido, Wimpy, Mariana, Roy y Gina, nos kier a gradici tur famia, amigo y amiganan, bisiñanan y conocirnan cu na un manera of otro a compañía nos of duna nos e sosten durante e fayecimento y entierro di nos Mama stima:

Maria Evarista Werleman-Kock

Un gradicimento tambe, na tur cu a manda krans, flor, na tur cu a manda e bunita mensahenan y of a yama pa duna condolencia y desea nos forsa den e momentonan dificil aki.

Esakinan tabata un Consuelo grandi pa nos.

Na Sr. John Flemming, danki pa atende e programa pa nos.

Na Elite Productions, danki pa setup di e screennan pa nos.

Nos kier a extende un invitacion tambe pa 3 sacrificio di misa cualnan lo tuma lugar:

Diabierna 14 di januari 2022

Diamars 18 januari 2022

Na misa Inmaculada Concepcion na Santa Cruz pa 7:00 or anochi



OPORTUNIDAD PA TRABAO

Tin oportunidad pa trabao pa un kokki/cocinera y helper di cumindanan crioyo pa un Take Away.



Pa informacion por
wasap 746-3571

FOR SALE - FOR SALE - FOR SALE



Ford Shuttle Bus 2006 ~ E450 diesel
Prijs reduci: Afl. 17.500
Perfecto pa snack truck

739-0101


Paga bo cuenta online ta facil



Pa hasi pago online pone number y adres na
cuenta di banco RBC Sunmax Printing
account # 7700000100152447

Gradicimento y Invitacion.

Na number di rumanan y deas famia Angela,
Keur y Melinda Wouter kier a gradici famia,
amigo, bisiñanan y conocirnan cu a duna nos e
sosten durante e fayecimento y Entiero di nos
defunto stima:



Sr. Serapio Agustin Angela

Mihor conoci como "Jati"
*14-11-1940 - † 05-01-2022

Na tur esnan cu a haci yamad di telefon y e
mensahenan ricibi.
Na Pastoor Raffi pa su bunita Response di des-
pedida.

Na Adpatres Funeral Home & Crematorium pa
nan excelente servicio.

Alavez nos kier a invita tur famia, amigo y
conocirnan na un Santo Sacrificio di Misa cual
lo tuma lugar Diasabra 15 Januari, 2022 na
Misa Sagrado Curazon na Savaneta pa 7'or di
Anochi.

Danki pa boso presencia den number di famia.

Den bo man Birgen del Carmen,
mi ta confia mi ser keri, cu durante e bida aki
a brasa bo cu hopi amor,
libr'e di tur malo y concede e descanso eterno.
Birgen del Carmen, mi ta suplica bo ricibi
mi ser keri cu amor, na unda no ta existi lamento, dolor ni tristesa,
cu solamente tin paz y amor, hunto cu bo Yui, den tur siglo di siglonan.

Ivan Abraham Penja

*20-02-1963 - †06-01-2022
Propietario di Pencro Telecom NV



Na number di su:
Esposa:
Yiunan

Maria Jacqueline Penja-Croes
Roseline
Ragnield y Daniel

Mayornan
Rumannan

Alberto y †Maria Margarita Penja-Vrolijk
Marlin y †Ruben Krozendijk-Penja
Robertino y Esther Penja-Luydens
Magaly y †Juni Martinus-Penja
Irvin y Evelyn Penja-Bremo
Yeniree y Norman y yiunan
Nabila y Yshande y yiunan
Reuben
Jeremy y Etlyn
Jarnely y Xander
Tanhee
Jirvin y Li-Ann
Nizianne y Josue
Nikki
Tom

Sobrino(o)nan

Suegronan
Swa y cuñanan

†Johannes y Jufr. Nanachi Croes-Vries
Johnny Croes
Micheal y Samantha Croes-Mathilda
Glenn y Evelien Croes Verboom
Hipolita y Ronnie Loefstop-Vrolijk
Emiterio y Clara-Ines Vrolijk-Giraldo-Lopez
Guillermo Figaroa
Linda Boekhoudt y Melvienne
Frits (el Puma) Everon y Jasmin
Gloria, David y Desiree yiunan,
Sue Ellen y Edmond y yiunan,
Famia Alvarez

Comer y compernan, primo y primanan, ihanan, amigo y amiganan,
Su compañeronan di softball, Grupo di baile Folklorico Santa Cruz

Famia: Penja, Vrolijk, Croes, Krozendijk, Luydens, Bremo, Martinus, Fradl,
Vries, Verboom, Mathilda, Figaroa, Albertsz, Orman, Molina, Nava, Trimon,
Tromp, Kock, Celaire, Wester, Jack, Bogaerts, Winterdal, Rojer, Loefstop,
Giraldo-Lopez, Geerman, Peterson, Ruddel, Goeloe, Alvarez, Leo, Ras.

Ta invita pa e acto di entierro cu lo tuma lugar diabierna 14 di januari 2022 na
Aurora Funeral Home di 9'or pa 11'or di mainta despues lo
Sali pa Santana central na Sabana Basora.

Nos ta lamenta cu despues di entierro nos no ta ricibi bishita
di condolencia na cas.

Nos ta pidi nos disculpa si den nos tristeza nos por a
lubida un of otro famia.

Por wak e entierro live riba facebook page

“Señor ta mi wardador, mi no tin falta di nada. Den cunucu di yerba berde, E ta pone mi sosega. E ta hiba mi na awa tranquil, pa mi bolbe haña forza.”

Salmo 23

Cu inmenso tristeza na nos curazon, pero hopi gradici pa tur loke ela significa pa nos, nos ta participa fayecimento di:



Mercelino Pedro Franken

* 02-06-1947 - † 10-01-2022

Na Number di su:

Casa: Maxima Maria Schwengle-Franken

Yiunan: Geoffrey Eugene Franken

Casa di Yiu: Beatriz Elena Lopez Gil-Franken

Hijastros: Andres Londoño
Bryan Londoño

Nieta: Chanti Koolman

Subrina: Raiza Geerman y casa Michael Geerman
Rose Mary van Dalen-Tromp

Tanta y Omo: †Angele Henriquez y yiunan
†Catarina y †Mario Loefstok y yiunan
Vicente y Pedro Henriquez y yiunan

Demas famia: Koolman, Schwengle, Croes, de Cuba, v/d Linden, Maduro, Lopez Gil, Vasco Lopera

Su bon amigonan: Di Garagi Doch Boys
Dolfie Maduro
Di Cunucu

Acto di entierro lo tuma lugar na Ad Patres Funeral Home & Crematorium 14 di Januari 2022, for di 9'or pa 11'or di Mainta, despues ta sali pa Santana Catolico na Savaneta.

Nos ta lamenta cu despues di entierro NO por ricibi bishita di condolencia na cas


Nos disculpa si den nos tristesa nos por a lubida cualkier persona.

Pa motibo di e situacion di Covid-19, ta pidi pa mantene estrictamente na e regla nan di DVG, usando tapa boca y practicando distancia social.

Staff y personal di Ad Patres funeral home & Crematorium ta extende nos mas sentido pesame na famia di e fayecido.

Señor ta mi wardador pues mi no tin falta di nada,
Salmo 23

Cu dolor na nos curason pero conforme cu bolundad di Dios nos ta anun-
cia fayecimento
di nos Querido Tata, Welo, Bisawelo, Omo y Ruman Stima



Reymundo Kelly

Ridder in orde van Oranje- Nassau

Mihor conoci como "Papa Rey", "Rey di Centro di Bario Ayo", "Mo Rey"
*15-03-1944 - † 07-01-2022

Ta invita pa e acto di entierro cu lo tuma lugar diahuebs 13 di januari 2021
na Aurora Funeral Home di 9'or pa 11'or di mainta despues saliendo pa
Santana catolico Pastoor Kranwinkel na Paradera.

Despues di entierro nos no lo ricibi bishita na cas.



"DUDAS"

Pakiko bo ta duda di mi existencia
jen di miedo i temor ta temozabo
cuanto biaha mi no a pidi bo confia
den mi i asina dunabo tur mi apoyo.
Cuanto biaha bo a lubida cu ami tey
pa consola bo curason jen di tristesa
ora ta orando ami ta sinta mey mey
scuchando bo bos pidiendo judansa.
Tin biaha mi ta mirabo tur disgusta
ni sikiera un bon dia bo ni a dunami
pa bo tur cos a bai malo i aki duda
a drenta bo curason sin consultami.
Mi yiu stima corda cu ami ta Amor
mi Paz mi yiu homber a entrega
pa kita tur tristesa, miedo i dolor
creando speransa pa sigui truinfá.
Nunca duda den mi promesanan
rikesa i banidad no ta pa eternidad
si bo sigui confia den mi palabranan
tur bo sonjonan mi lo haci realidad.

" PALABRA DI DIOS."

Duda ta un obstaculo pa ricibi respuesta
di nos TATA CELESTIAL.

Mateo 14:31 / Exodo 32:1

Autor: Omaira I. Rodriguez-Britten

GRUPO DI BAILE FOLKLOR SANTA CRUZ

Ta anuncia fayecimento di

(pone su potret)

Reymundo Kelly

Mihor conoci como:

"Rey"

Colega di nos grupo di Baile Folklor Santa Cruz

Nos grupo ta desea yiunan y demas famia hopi forza den e momento difícil aki

Cu Rey sosega na paz.



7		4		1				
	2							
9	1	6			7			2
8		9	1					
2			5		6			7
					9	8		5
4			2			7	1	6
							2	
				6		5		4

	1		4		2		5	
5								6
			3		1			
7		5				4		8
2		8				5		9
			9		6			
6								2
	7		1		3		4	

Sopi di Letranan

N V P M I E L L B S O G E U F H I G G I P K S L U
 R E O N D U H G Y R I J X E C O L U M N A S E I R
 O E C C G U X G X I U R B A N G E L H S S T N Z I
 L N C E E D L L A R R E I T W F D D A H I R O N O
 E V O O S S Z C O I Z Q U I E R D O S P G U I W L
 M U N P H A A T E P M O R T S A N E T S L E C R E
 O E S M E H R O M I T P E S U P C R O S O N A E I
 C L U E S C R I B I R H K R J I K P A A S O N D C
 S T M I F O D I O S W F K V T O E T L T X S M N B
 I O A T F N O R E I T I M E E N E L W U C L A E Z
 E A R A N U N C I O M E F R T F E N V L I E N C Z
 R I A J T X E C Q T A O C E O S R I A X X N O S M
 V A P K A M A R G A R A U R U G E M V Z G G D E E
 O S I E T E J I T P T C P X A R O S T R O U G D B
 S S O L O C R A D E A Z E B A C N O E L V A K V U
 O I R E T S I M O I Q D E R E C H O B M G S F E N
 M L I B R I T O I P U E B L O S P V O T R E I B A

ABIERTO	AMARGARA	ANGEL	ANUNCIO	ARCO	CABEZA
CIELO	CLAMO	COLUMNAS	COMELO	CONSUMARA	CREO
DERECHO	DESCENDER	DIOS	DULCE	EMITIERON	ENVUELTO
ESCRIBIR	FUEGO	FUERTE	IRIS	IZQUIERDO	JURO
LENGUAS	LEON	LIBRITO	MANO	MAR	MIEL
MISTERIO	NACIONES	NECESARIO	NUBE	PIE	PROFETAS
PROFETICES	PUEBLOS	ROSTRO	RUGE	SELLA	SEPTIMO
SIERVOS	SIETE	SIGLOS	SOL	TIEMPO	TIERRA
TROMPETA	TRUENOS	VIENTRE	VOCES		


A la cima no se llega
superando a los demás
sino superándote
a ti mismo.



**STOP CU
HUMAMENTO
TIN HOPI
BENEFICIO**



Salud



Salud Mental



Financiero